

Акафист
преподобному
Серафиму,
из Ракитнаго Белгородскаго
старцу и чудотворцу.



Акафист

преподобному

Серафиму,

из Ракитнаго Белгородскаго

старцу и чудотворцу.

Кондак 1.

Избранный воплотившимся и распявшимся Сыном Божиим/ добрым пастырем быти овец Его словесных,/ за Христа пострадал еси/ Веру правую в Него крепя в страждущих/ и твое предваря житие в монашестве,/ днесь славимый и призываемый:/

Радуйся, отче святой преподобный,/ из Ракитнаго старче,/ Исповедниче Серафиме,// Белгородский чудотворче.

Икос 1.

Ангелу шестокрылому пламенному соименнаго Саровскаго подвижника славнаго подражати подвигом возжелал еси, икону его во храме училища ду-

ховнаго моляся со отцем твоим посреде служителей
Божиих будущих зря и духом радуяся:

Радуйся, в стране латинствующих католиков
рожденный истинно православным; радуйся, Алек-
сандра отца твоего третье из пяти чадо. Радуйся, ма-
тери Александры сыне, Елеоноры урожденная, дще-
ри поляков знатных, в Православие перешедшей и
православно на брак венчавшейся, отверженной за
сие сродниками иноверными, Христовы Исповедни-
цы; радуйся, любовью окруженный в семействе. Ра-
дуйся, в достатке возраставший, но к богатству зем-
ному безстрастный; радуйся, душою и телесно чи-
стый и целомудренный. Радуйся, младенцем читати
обучившийся и пятилетним Житие преподобнаго
Серафима прочитавший; радуйся, с родители, бра-
том и сестрами дома молившийся и в церкви ходив-
ший. Радуйся, издетска постившийся и к Таинству
Причащения старательно приуготовлявшийся; ра-

дуйся, вкушения Тела и Крови Христовых для жизни Вечныя сподоблявшийся. Радуйся, взиравший с желанием им подражати на учеников Училища духовнаго; радуйся, отца просивший в Училище тя определити учиться с ними духовному.

Радуйся, отче святой преподобный,/ из Ракитнаго старче,/ Исповедниче Серафиме, // Белгородский чудотворче.

Кондак 2.

Видя от юности удобопреклоннаго к Бога и Человека Спасителя Христа Еммануила безкровныя Жертвы за Литургиею совершению в воспоминание на Кресте Его Жертвоприношения Господь ты избра, да при служении твоём Ему поют Его люди:

Аллилуиа.

Икос 2.

Разум имея чист со тщанием научался еси в Полонии тогда живя в училище благочестия первее в

родном тебе уездном граде под Варшавою Новом Дворе и в семинарии по сем в Холме, а в Академию поступил еси при Лавре Святей Сергия Аввы:

Радуйся, смирением, скромностию и к учению рачением привлекавший к себе внимание благосклонное Училища наставников; радуйся, духовным настроением твоим благорасположивший к себе отцов Даниила иеромонаха, Илариона Троицкого брата, и Серафима архимандрита, ректора Холмския твоея семинарии, впоследствии епископы. Радуйся, богословию и языкам научившийся отменно; радуйся, язык усвоивший еврейский праотеческий библейский. Радуйся, высшего образования в Академии могущий сподобиться; радуйся, трудов сих начало положивший под началом светочей книжного богословия. Радуйся, всегда добром поминавший преподавателя твоего образованнейшаго Павла Флоренскаго, еще не священника; радуйся, молившийся за него в

священном уже сане во время Соловецкаго его заключения. Радуйся, поминавший его тамо убиеннаго яко священномученика; радуйся, и убиеннаго почитавший Серафима епископа, бывшаго покровителя твоего Холмскаго. Радуйся, святынями Радонежскими освященный; радуйся, святыми Радонежскими в подвигах веры упроченный.

Радуйся, отче святыи преподобный, / из Ракитнаго старче, / Исповедниче Серафиме, // Белгородский чудотворче.

Кондак 3.

Силою Божию во учителѣх твоих преоружался еси лето единое у Троицы в Академии, ко власти пришедшими гонители безбожными за веру закрытыя, яко достойный Христов ученик, но Господу научился еси смысленнее прежняго пети:

Аллилуиа.

Имея призвание Свыше священствовати, Таинством брака сочетовался еси с девою Антониною в плоть единую, и церковь домашнюю с нею обустроюще, чадородием благословен был еси двоих сыновей и дочерей троицы:

Радуйся, родителем твоим послушный свято сыне; радуйся, рождения пятерых детей подвиг их повторивший. Радуйся, восхотевший рано Серафимову жителству подражати; радуйся, не могий в обители вселиться, богоборцами опустошаемая. Радуйся, девство до самага брака соблюдший; радуйся, и в браке честном своем целомудренным бывший. Радуйся, хиротонию приемший после в брак вступления абие; радуйся, из мирянки христианки попадию в жене обретший. Радуйся, по Апостолу ложе нескверное сохранявший, вольностей сквернящих не позволявший; радуйся, детей любивший праведно и

матушкою честною дороживший. Радуйся, на ниве Христовой делателю неутомимый; радуйся, корыстолюбию и лени чуждый по заповедем Божиим.

Радуйся, отче святыи преподобный, / из Ракитнаго старче, / Исповедниче Серафиме, // Белгородский чудотворче.

Кондак 4.

Бури претерпевае скорбей житейских: лишения матушки и смерти сыновей младенцев, пастырем ревностным и благочинным был еси в лютое на Церковь гонение и пастырей и пасомых ея истребление, мужественно поющим со единокорными:

Аллилуиа.

Икос 4.

Слышавшия о твердом в Вере стоянии твоём, с лжепастырями борении и яко волков, а не агнцев по-среде овец избличении возставали суть на тя злыя, стращали в узилищах и дабы убити в тя стреляли,

верныя же радовалися суть о тебе взывающе:

Радуйся, спасавшийся сам и иныя спасти тщавшийся; радуйся, присяге ставленнической Святей Троице пред принятием на ся священства верный. Радуйся, не наказываемый Богом сам или семейством за измены сей яко безупречный Его служитель и невинный; радуйся, посещенный ангелами смерти сынов твоих и супруги якоже праведный пред Богом Иов древлий. Радуйся, безкровными мучениками сыновей имеющий яко от глада умерших; радуйся, таковою же мученицею, но сердцем о них болезновавшею Антонину на Небо, отпев, проводивший. Радуйся, по отпевании ея яко мертв пребывавший; радуйся, Господом воскрешенный дщэрей и окормляемых тобою ради. Радуйся, не в туне жити оставшийся; радуйся, долго по сем душу твою за погибающих полагававший. Радуйся, сироток твоих в дому затворявший и ехавший и во дни, и в нощй по делам бла-

гочиния; радуйся, смерти не убоясь и увечий к Иудам новым обновленчествуующим входивший и с обличения словом обращавшийся для возвращения в лоно Церковное с покаянием.

Радуйся, отче святыи преподобный,/ из Ракитнаго старче,/ Исповедниче Серафиме, // Белгородский чудотворче.

Кондак 5.

Боготечно из ада на земли – семидесятилетняго советами нечестивых пленения к Раю восходя, злоключения десятилетня претерпел еси в заключении и на пять к тому еще лет в Сибирь изслание за Богу служити намерение по свобождении и пение:

Аллилуиа.

Икос 5.

Видя настоятель храма в Канске в твоём лице во сне ему Господом предуказаннаго на Пасху Христоу служити с ним втроем с другим иереем священ-

ника, мучимаго за Истиннаго Бога, ризы священныя даде ти, неизреченно тя утешив и обрадовав:

Радуйся, блаженный изгнанниче правды ради; радуйся, осужденный не за иную вину кую, кроме дела Христова. Радуйся, в безвестность увезен от чад твоих кровных и духовных; радуйся, приговорен еще и к запрещению письма им писати. Радуйся, яко отравилися суть за тобою три преданныя дщери по духу с твоего прихода; радуйся, се бо две из них яко мученицы вольныя от тела разрешилися суть на чужбине, обаче спаслися своима душама. Радуйся, сказав себе: «Сирый, страждущий брате – се зовет тя Христос, иди к Нему, Он тя утешит, Он даст ти души покоя»; радуйся, шествующий к Нему по глаголу сему, яко по воде Петр, но с верою несумненною, непотопляем. Радуйся, крестивший, покаяние принимавший, отпевавший и даже единожды венчавший в застенках; радуйся, не обижаемый разбойниками

во узилищи для вас **общем**, от вреда покрываемый Богородицы честным омофором. Радуйся, умом обширным и ясным помнивший последования церковныя; радуйся, невозмутимый внешне, но в сердце и душе любовью Христовою к находящимся с тобою в неволе и покинутым тобою далече пламеневший.

Радуйся, отче святыи преподобный, / из Ракитнаго старче, / Исповедниче Серафиме, // Белгородский чудотворче.

Кондак 6.

Проповедати Евангелие Христово начал еси на свободе, в Елисаветграде. И в Память Предтечи Спасова сказав: «Секира над миром висит уже ныне», — лишен был еси назирающим за Церковию места в епархии яко безстрашно глашающий:

Аллилуиа.

Икос 6.

Возсия тебе, солнцу подобно по мраке земном,

епископ Курский и Белгородский Леонид в Москве, идеже Промыслом Божиим по духу сроднаго себе тебе срете, к служению у него тя призвавший, возрадованный тобою и тя возрадовавший:

Радуйся, опытом самоличным познавший, яко Господь избраннаго Своего от Отчизны и сродников отрывает, да ощути́т ся жителем Его мира; радуйся, познавший ся сыном Божиим. Радуйся, предав всего себе Богу; радуйся, яко точию в самоотречении сем всеобразном объяла есть тя любовь Христова. Радуйся, властителями мірскими теснимый; радуйся, из Елисаветграда насильственно за Господа выдворенный. Радуйся, Архипастырем истинным возлюбленный; радуйся, к служению им допущенный и благословенный в Ракитное. Радуйся, не всеми мирно принятый, яко видом не внушительный; радуйся, телесно хрупкий и немощный, но духом крепкий и великий. Радуйся, избавленный от враждующих и пре-

зирающих на новом приходе; радуйся, многоценный
путеводителю к Небу для любящих и верующих.

Радуйся, отче святыи преподобный, / из Ракитнаго
старче, / Исповедниче Серафиме, // Белгородский чу-
дотворче.

Кондак 7.

Хотя прияти ангельский чин ходатайствовал еси
пред Святителем твоим благим о сем с прошением
дати ти имя Серафима Саровскаго, егоже возлюбил
еси отроком, и благословение взял еси у преподоб-
наго старца Глинскаго Андроника, с ними поюще:

Аллилуиа.

Икос 7.

Новаго Серафима святаго стяжала есть Церковь
Русская, внегда Преосвященный Леонид постриг
есть ти власы главы с именем сим прекрасным в Со-
боре Курском Сергиево-Казанском, заложенном от-
цем и построенном материю Саровскаго Старца:

Радуйся, сподобившийся в монашество пострижения; радуйся, постриженный с преподобнаго отца одобрения. Радуйся, от рук святительских паки рожденный и усты его Серафимом нареченный; радуйся, Саровскаго святаго чтителю богоугождения. Радуйся, подражателю его в испытаниях промыслительных смирения; радуйся, такожде прощавший тя убивавших. Радуйся, в немощех и болезнях силою Божию помогавший; радуйся, имевший его прозорливость от Бога. Радуйся, в граде, ему родном, и храме родителей его и его самаго монахом с именем его ставший; радуйся, сызмальства наставляемый примерами его жизни. Радуйся, поучения его усвоивший и исполнявший; радуйся, самоотверженно монашествовавший, имя новое твое оправдав ангельское.

Радуйся, отче святыи преподобный, / из Ракитнаго старче, / Исповедниче Серафиме, // Белгородский чудотворче.

Кондак 8.

Странствия многия скончались суть твои по всей Руси, яко вселился еси в селе Ракитном при церкви Святителя Николая, Угодника Божия и Чудотворца, в храме сем двадесять лет и един год до кончины твоея служити и пети учити:

Аллилуиа.

Икос 8.

Весь и душею, и плотию подвижническима Богу и людем Его служа, к любви совершенней стремился еси, не понуждая ся к сему, а к любви, богодарованной и Богу Любви подражающей, еще бóльшую прилагая, сердцем умиляясь и духом радуясь:

Радуйся, подвиги многими просиявший; радуйся, пророчествовавший. Радуйся, исцелявший; радуйся, безумных разумными соделывавший. Радуйся, нападающих умиротворявший; радуйся, священнодействовавший явно благодатно. Радуйся, действен-

но проповедывавший истины Христианства; радуйся, не осуждавший и не наказывавший грешащих, а милостивно исправлявший. Радуйся, любовью искреннею, Христу подражательною преоруженный; радуйся, пленивший сею всех к тебе обращающихся. Радуйся, не яко кимвъл звяцающий или медь звенящая по Павлу Первоверховному о Бозе подвизавшийся; радуйся, наибольшим из даров Божиих – любовью вдохновлявшийся и с материнскою заботою руководствовавший.

Радуйся, отче святой преподобный,/ из Ракитнаго старче,/ Исповедниче Серафиме, // Белгородский чудотворче.

Кондак 9.

Всякое Троицы Бога нашего тебе дарование преизобильно быша, в помощь и пользу притекающим ради Христа ближними именуемым людем, прощение, утешение, вразумление, умирение, исцеление

подающее с тобою поющим:

Аллилуиа.

Икос 9.

Ветийству лукавнующих и баснем невежественных чужд, свидетельство совершенства духовного Стратонику, иноку Кавказскому, преподобного Силуана, Афонскаго Старца схимонаха, явным в тебе соделал еси, глаголя открытое ти Святым Духом:

Радуйся, совершенный в деле; радуйся, совершенный в слове. Радуйся, работавший сими во Славу Божию; радуйся, пекущийся преимущественно о душах. Радуйся, о людех ведавший по Откровению тебе Господню; радуйся, Егоже указания выполнявший. Радуйся, молитву непрестанную сердечную в молчании уст предпочитавший; радуйся, глаголавший с пользою, мира сердечнаго не нарушив. Радуйся, простоты всего в доме и скромности во всем придерживавшийся; радуйся, отца Зинона, иконописца

из Троице-Сергиевы тогда Лавры трудами храм твой
Никольский расписавший благолепно и богоугодно.
Радуйся, любивший изографа сего и ценивший за та-
лант его и неумоимость; радуйся, с решимостию
молитися, трудитися и заповеди Божии исполняти
наставлявший к тебе притекавших.

Радуйся, отче святыи преподобный,/ из Ракитнаго
старче,/ Исповедниче Серафиме, // Белгородский чу-
дотворче.

Кондак 10.

Спасению верою в Господа Иисуса Христа помо-
гал еси всякому, неочищенному и ненаученному
должному духовному деланию и телесному воздер-
жанию, отеческою любовию, мудростию и терпени-
ем преоружен, и с ними Бога благодаряще:

Аллилуиа.

Икос 10.

Стеною ограждения от демонскаго наваждения и

бесовскаго обдержания мучимым был еси, жертвенно жертв их любя, и Господа Бога Всесильнаго о свобождении их от лукаваго внúтрьюду и внеúду слезно моля сочувственно, да с тобою радуются:

Радуйся, врага спасения смиренномудрием победивший; радуйся, дúхи нечистыя прогоняти власть от Господа Иисуса приявший. Радуйся, явивший сию многожды над одержимыми зрелыми и малыми; радуйся, связующий буйствующих твоима невозмутимостию и тихостию. Радуйся, одним пособлявший сразу же; радуйся, с иными муки их разделявший седмицами, месяцами и годами, Богу о них ходатайствуя. Радуйся, приветливостию и вежливостию преобразавший неверующих, верующими ставших; радуйся, обижающих и притесняющих общину твою христианскую антихристов в незлобивых и мирных претворявший. Радуйся, изнемогавший и изболевшийся от перенесенных злостраданий; радуйся, ду-

хом бодрый, трезвенный, неусыпающий и бдящий.

Радуйся, дух мирен по Серафиму Старшему стяжавший; радуйся, по его же обетованию тысячи о́крест тебе спасавший.

Радуйся, отче святыи преподобный,/ из Ракитнаго старче,/ Исповедниче Серафиме, // Белгородский чудотворче.

Кондак 11

Пение благодарственное Господу приносили суть за тя в прозорливости твоей дивной уверяющияся, се бо и помыслы их открывалися суть Им тебе, и события самыя сокровенныя и тайныя, неправыя или нестроения приносящия, тобою исправленныя:

Аллилуиа.

Икос 11.

Светосияние Небесное видимо бысть в пречистых очах твоих со взором их ясным, любящим, сострадающим, проникающим, и яко живыя мощи Бо-

гу за всех предстоял еси без тука и мышц на костях, с кожею и власами, белизною яко снег сияющими:

Радуйся, и зраком наружным по праведности прекрасен; радуйся, и сокровенное внутри тебе просветивший и освятивший. Радуйся, озаренный Нетварным Светом Божиим; радуйся, Симже омытый и облагоуханный. Радуйся, душою твоею светоносен отселе яко Адам и Ева до грехопадения; радуйся, свет тот свой в очесах отражающий. Радуйся, видевший дальше и слышавший лучше духов падших; радуйся, пророческим глаголом от погибели отвращавший. Радуйся, во плоти быв якоже безплотен; радуйся, не в одежды белы зде одеянный, а убилен сединами и покровом плóтским. Радуйся, распинавшийся за Христом за смертно согрешавших и пристрастных; радуйся, веру порождавший и воскрешавший для Вечности в неверии умиравших.

Радуйся, отче святыи преподобный, / из Ракитнаго

старче,/ Исповедниче Серафиме,// Белгородский чудотворче.

Кондак 12.

Благодати великия кладезем быв, привлекал еси к воде сей животворящей жаждущих и от грязи греховныя и скверны страстей омытися хотящих, наипаче же теперь, душею отшедый ко Господу в Рай, целебныя источаеши мощами струй поющим:

Аллилуиа.

Икос 12.

Поюще подвиги твои и служение Богу священное твое и слышимы, и видимы тобою всегда бываем, не собственною твоею силою, а силою Бога Всеведущаго и святыми Своими по́мощи многообразныя низпосылающаго сему радующимся:

Радуйся, луною словесною бывший, чувственную в человеках ночь освещающею; радуйся, Солнцу мысленному – Господу Самому сходственный по-

мыслов темноты свободя. Радуйся, множеством верных почитаемый яко отец духовный; радуйся, знаемый ими лично и при жизни незнаемый. Радуйся, не оставявший без участия своего в помощи нуждавшихся; радуйся, бедствовавших и нищенствующих поддерживавший. Радуйся, временем для отдохновения едва располагавший; радуйся, не сам вкушавший пищу за трапезами, а посетителей насыщавший и поучая назидавший. Радуйся, и душою бессмертною облагодатствованный; радуйся, благодатный и многоцелебный и святыми твоими останками. Радуйся, в молитвах призываемый епископами, священниками и мирянами; радуйся, монахов и монахинь наставниче и собеседниче Ангелов.

Радуйся, отче святой преподобный,/ из Ракитнаго старче,/ Исповедниче Серафиме, // Белгородский чудотворче.

О, добрый рабе Христов, священниче праведный и иноче преподобный Серафиме, из Ракитнаго Белгородскаго Руси всей известный прозорливый старче, душевныя и телесныя болезни исцеляющий и смерти вечныя избавляющий Богу о сем поющих:

Аллилуиа.

Сей кондак глаголется трижды. И паки читаем:

Икос 1.

Ангелу шестокрылому пламенному соименнаго Саровскаго подвижника славнаго подражати подвигом возжелал еси, икону его во храме училища духовнаго моляся со отцем твоим посреде служителей Божиих будущих зря и духом радуяся:

Радуйся, в стране латинствующих католиков рожденный истинно православным; радуйся, Александра отца твоего третие из пяти чадо. Радуйся, матери Александры сыне, Елеоноры урожденныя, дще-

ри поляков знатных, в Православие перешедшей и православно на брак венчавшейся, отверженной за сие сродниками иноверными, Христовы Исповедницы; радуйся, любовью окруженный в семействе. Радуйся, в достатке возраставший, но к богатству земному безстрастный; радуйся, душою и телесно чистый и целомудренный. Радуйся, младенцем читати обучившийся и пятилетним Житие преподобнаго Серафима прочитавший; радуйся, с родителями, братом и сестрами дома молившийся и в церкви ходивший. Радуйся, из детства постившийся и к Таинству Причащения старательно приуготовлявшийся; радуйся, вкушения Тела и Крови Христовых для жизни Вечныя сподоблявшийся. Радуйся, взиравший с желанием им подражати на учеников Училища духовнаго; радуйся, отца просивший в Училище ты определити учитися с ними духовному.

Радуйся, отче святой преподобный, / из Ракитнаго

старче,/ Исповедниче Серафиме,// Белгородский чудотворче.

Кондак 1.

Избранный воплотившимся и распявшимся Сыном Божиим/ добрым пастырем быти овец Его словесных,/ за Христа пострадал еси/ Веру правую в Него крепя в страждущих/ и твое предваря житие в монашестве,/ днесь славимый и призываемый:/

Радуйся, отче святой преподобный,/ из Ракитнаго старче,/ Исповедниче Серафиме,// Белгородский чудотворче.

Молитва.

О, преподобне отче наш Серафиме, в Ракитном под Белгородом наипаче потрудившийся и в подвигах Богом благословеннаго тебе старчества просиявший! Рождшийся в Польской, но Русской тогда земле, идеже служил есть твой отец, и Православие исповедующими родителями твоими крещен и вос-

питан в спасительном Православии. Имя Димитрия Мироточиваго Солунскаго восприял еси по выбору их от купели крещения, Веру от юности твоея подобно Святому сему возымевший. Но ангелоподобнаго жития взыскал еси сердцем отроческим своим, на икону Угодника Божия Русскаго, но Вселенскаго Серафима Саровскаго, иеромонаха за век до сего преставившагося взирая, и колена сердца своего пред ним приклоняя Бога ради.

Призвание чувствуя к духовным трудам просил еси отца научиться сим в духовное училище ты отда-ти. Ещеже и в Холмской духовной семинарии пре-обучившеся успешно, стал еси академистом в Сергия преподобнаго Лавре, учебу в ней прервав невольню, безбожною новою властью в первый же год учения твоего запрещенной и закрытой.

Учителем был еси детей хрестиян в простой сельской школе. И на учительнице, обвенчавшеся,

женился еси по заповеди Господней Адаму и Еве Прародителем. Пятию чадами от нея: двумя сынами и тремя дочерми семью вашу приумножив. И многия скорби от глада и нужды претерпевали суть вы со всею страпою, царя лишившейся на ея престоле.

Рукоположение во пресвитера приял еси в гонительныя для Церкви и Веры годы. И яко Иов Многострадальный сынов и матушку похоронив, не роптал еси, един с дочерми на руках оставшеся. Ревностно Богу служа по Канонам Апостольским и Отец святых, изменникам Церкви противостал еси, Веру и Правду успешно ограждая. Застенки и на убийство покушение без вреда претерпевая Богом храним, не избежал еси заключения и каторжных трудов десятилетних и пяти лет изгнания за уверение гонителей в желании твоём служение Господу на свободе продолжити. И тако венца сподобился еси Исповедника Христова. Свободу же Божию Милостию обрета

служил еси Ему верно многая лета.

Дары предивныя стяжал еси от Господа Сил Великия любви к Богу и ближним, прозорливости и разсуждения духовнаго благодатнаго, утешения страждущих, спасительнаго духовнаго наставничества, скорбей избавления, чудеснаго исцеления и беснования свободения, во множестве совершавшихся и совершающихся ныне.

Душу твою за ближних положив и поболев пред скончанием пути земнаго подвижническаго многострадальнаго, ко Господу душею возшел еси Пресвятей Троице и Владычице нашей общей Пресвятей Богородице в приуготовленную тебе всесветлую небесную обитель. Тело же изможденное, но благодатию Божию преисполненное, погребено быша по твоему завещанию у келии твоей на север от твоего Святителю Николаю Чудотворцу посвященнаго святаго храма с иконою преподобнаго Серафима, наме-

ренно написанною пред сим для ниши в стене над
твоею священою могилою.

У Господа Бога все живы, и ты живый, отче духовный наш, молитвами к Нему скоро нам помогающий предивно и явно. Не остави же нас и впредь, к тебе с верою, надеждою и любовию к мощем твоим святым прибегающих или молитвенно отвсюду обращающихся.

Господи Отче, Сыне и Святый Параклите Дúше, и Божия Мати Марие, молитвами Преподобнаго сего спасайте почитающих Вас и его подобающе. Да очищенные и освященные Вами и мы в Рай будем.

АМИНЬ.

